

Thawhter than, nunter than kan herh maw?

Thawhthannak 2025 – baptist pawl 2050 lei panh in kan kal

Rampi Hruaitu aiawh in Catial tu - Christian Bylund
MTH., Vice Chairman, Baptist Union of Denmark

Kan ruahmi!

Danmark ram Baptist Khrihfa buupi hruaitu thar hna cu a voikhatnak kan Khrihfabupi hmailei kongah nai teah a riakin tonnak kan nei. Kan Khrifabuu pi kongah kan lungre a thei i Denmark a um minung caah **Pathian kong, Zumhnak kong le Zumhlonak** (aitawmnak) kongah a thahmen i biaruahawk a tlak mi kan si kho than nak dingah cun **THLENNAK** a um a hau tihi kan ruahmi a si. Biaknak zalonnak le luatnak a dirpi tu, chan tiluan nih a kalpimi, manhlo le lungthin buai (stress) in heh tiah thil kawl le dawinak cu doh in hmun tampi ah hmuh kho ti lo mi naihnam tein i pehtlaihnak i hawikomhnak le daihnak a pe kho tu Khrihfa bupi si kho ding hi kan duh mi a si. Hnulei tuanbia lawng a phormi si loin hmailei tuanbia a peh kho tu Khrihfa bupi si kho ding kan duh. Baptist pawl nih thil tikho nak tampi kan ngei ko, a si nain i thawhter thannak kan herh.

Nunter thannak, tharchuahnak (or) thawhter thannak

”Thawhthannak 2025 – Baptist pawl 2050 lei panh-in kan kal”
timi tlangtaar in rampi hruaitu siseh, lokal Khrihfa bu cio le pumpak nangmah Baptist a simi na caah zeidah sullam a ngeih lai timi cu a tangah kan hun tial lai. Kan ruahchungmi, kan chungmang le kan i tinhmi hna cu a tak in a can kho nak dingah don 4 in kan rak then.

1. A thoknak don

A thoknak don cu kan kal cuahmah lio i kan dih deng cang, Denmark Baptist Union pi thawkthannak ah kan dirhmun a thami le a thalomi kan zoh hnuah kan chungmang leiah kal ding cu kan thawk cang. **Pathian riantuan dingah Thuamhnak, Hngakchia & Mino, Khrihfa bu Thanchonak le Hruainak & Tungtlang (organization & struktur)** hna hi an si.

2. Muisam neihternak don

A ralai mi thla 6 chungah Rampi hruaitu hna nih a cunglei kan i tinhmi phun 4 kongah karhlan kan thiam i kan fim deuh nak dingah fimthiamnak a ngeimi expert pawl le kan tuanhawi pawl cu sawm hna in kan chungmang le kan ruahnak cu thancho ternak kan ngei lai.



Pathian riantuan dingah **Thuamhnak** kong kan ti tikah hin mipi, Khrihfa upa hna le pastor siangin kai nak ding tiang a si. Hmailei Khrihfa upa Thuamhnak kong he pehtlai in tahchunnak ah (tck) Riangeitu (or) mi rian pektu le a umnak ram phung le phai le hruaimi caah a herh mi phungphai vialte a thei i a hmang kho tu a si kho nak ding. Cun Pastor hna cu tuanhawi pastor hna he pawlkomhnak an ngeih i Baptist teology hrawmti nak an ngei kho nak ding. Mah lengah pastor thar rianpek kho nak dingah a lamkipin bomhnak kan ser a hau maw, cun pastor hna i upat le cohlan piak kho nak dingah ordination hoi hna kan tuah lai maw? ti hna hi an si.

Hngakchia le Mino kong he pehtlai in kum tampi chung Baptist spejderkorps le Baptist Hngachia le mino phu (BBU) hna nih tuavo an lak. A si nain Khrihfa bupi (or) Upa-bu nih mino le hngakchia riantuannak thazaang pe lo le phaisa hmang loin kan um mi hi kan rak palh. Mah ruangah hngakchia le mino kongah camping le cawnpiaknak tamdeuh in tuah a herh maw, cun Khrihfabu dangdang he pawlkomh in kan tuahti lai maw rampi huap in tuah a herh maw? Khrihfa bu ah hngakchia le mino an karh i an than kho nak dingah zeitin dah kan i bomh kho hna lai ti cu Mino & Hngakchia phu hna he riantuan ti nak kan ngei lai.

Baptist Union cu local church hna loin sullam a ngeimi a si lo, mah ruangah **Khrihfa bu Thanchonak** dingah tuavo nganpi a ngei. Khrihfa bu hna a bomh i a dirkamh deuh kho nak dingah a tungtlang kan zoh i kan remh than a hau maw? Khrihfa bu hme mi le achan a dih dengmi hna kan bomh hna i kan tharchuah ter than kho nak dingah Cung-in-tang (centralization) hruainak hoi hna kan hman deuh a hau in Khrihfa bu fonhnak le pumhti nak hmunhma hoi hna a lai ah kan ser a herh maw? ti hna hi an si.

A donghnak ah Kan i **Hruinak & Tungtlang** hna hi Thawkthannak 2025 ahhin a muru a si ve rua tiah kan ruah. Zei ruangah tiah cun kan i tinhmi vialte a tlam a tling kho nak dingah Hruainak tungtlang a ngan tuk lo i Anem tung nain Baptist phung le ci (or) DNA bangin democracy hruaining ah ai hngat fawn mi kan ser kho lai ti hi a si. Kan thazaang; riantuantu le chawva hna hi zeitin dah tha le hmualngei bikin kan hman kho hna lai ti hna ti an si.

3. Zapi telnak don

- Biaruhnak, podcasts, phu in hman kho dingmi thilri hna

Mah riantuannak cu rampi hruaitu hna sin lawngin dong loin a don 3 nak cun Khrihfa upa le Khrihfa bu pi a simi nangmah le keimah tel in kar kan hlan ti hna lai. Mipi sinah a phak kho nak dingah catialnak, biachimhnak le pumhnak le biaruhnak hna ah lam a phunphun in kan chunmang le kan i tinhmi kan phak kho nak dingah kan i bawm hna lai.

4. A hliaphihnak don

2025 – pentecost, ThiangThlarau tum tik khi i hmuitinh in Baptist Union pi nih hmunkhat teah lamzawh ti-in kan i tinhmi lei lam kong ceih-ruah ti nak kan ngeih hnu ah kan tuanti ding mission lei ah pakhat le pakhat zumnak feh he kan kal ti hna lai. Mah vialte cu Kan Khrihfa bupi a thawnnak ding le hram thuk piin a thla chin mi Baptist, Denmark ram ah kan si kho nak ding caah a si.

Bia dongnak ah:

Thawkthan nak cu kan herh tak maw? Kan herh ko, a hleiin kum zabu 21 ah a thahnem i mah chan he tlakin sullam a ngei kho mi Khrihfa bu ser nak dingah hin a herh khun. Mino nih a tu kan chan i an herh mi aa dang, a hlei in Thlarua kong le hruaining le tungtlang kong hrim ah an hermi le an duhmi aa dang. Mah ruangah Thawkthannak 2025 cu tuah sawhsawh mi si loin *Khualtlawwnak pakhat bantukin hmunkhat ah lamzawh tiin*; Khrihfa bu nih a thiamnak dihlak chuah in a Khrihfa bu caah zumhawktlak le lungfeh in kar a hlan than nak ding a si. Kan zapi hmailei Baptist Khrihfa bu caah ruahnak chuah dingah kan in sawm hna. Zei hi dah baptist Khrihfa bupi ah thawkthan ding ah a herh??

Lai holh in Calet tu – Biak Chin Par Lian